

## AKA

Mahmud aka bilan, aniq esimda yoʻq, ishqilib, yetmishinchi yillarning boshida Fanlar akademiyasining aspirantlar yotoqxonasida tanishganman. Toshkentga yangi kelganman, Samarqanddan oʻziga ukasidek yaqin olib, doim qoʻllab yuradigan ustozim Hotam aka Umurov doʻsti Murod aka Ibrohimovga uchrashimni tayinlab yuborgan, u kishi qayoqqa bosh suqishimni bilmay, sarson yurgan paytlarimda xonasidan boshpana berib turgan. Murod akani olloh rahmat qilsin, juda yaxshi odam edilar, koʻp yaxshiliklarini koʻrganman. Mahmud aka Murod akaning doʻsti, yoniga borganida suhbatlarida boʻlib, shu bilan bir umrga aka-uka boʻlib qolganmiz.

Oʻzi insonning hayoti yaxshi odamlar koʻrsatadigan yaxshiliklar silsilasidan iborat, tarjimai holingizga mundaq razm solsangiz, sizni shu holingizga olib kelgan yaqin kishilar koʻz oldingizda uzun qator tizilib, siz qaytara olmagan xizmatlari xotiringizni ma'lul qiladi.

Yetmish beshinchi yili Mahmud aka «Guliston» jurnaliga maqolamni olgan. Yozuvchi Turğun Polatning «Ichkuyov» qissasiga taqriz edi. «Vafot etgan yozuvchining asariga yozib, juda xayrli ish qilibsang, beramiz», deb u kishi ham meni xursand qildi, ham osha paytlardagi adabiy jarayon, tanqidchilikning tagzaminida ba'zan manfaat, oshna-oʻgaynigarchilik ham boʻlishidan sergaklantirib qoydi. Men uchun «Guliston» jurnaliga maqolam olinishi tushimga ham kirmagan martaba, choʻqqiga olib chiqadigan qanotni yelkamga yopishtirish bilan barobar edi. Lekin uni ma'qul degan odam yana koʻzoynagini burnining ustiga qoʻndirib, men ne hasratda qoyillat yapman deb toʻldirgan dasta qoʻgʻozning ustidan «rasm solib» ketsa! Oʻzimcha yaxshi yozaman, yozayotganda jumla nimaligini qoʻlim bilan ham his qilishim kerak deb, hatto ruchkagacha tanlaydigan odamman, Mahmud akaning chizmakashligiga qarab kayfim uchib ketdi. Soʻg qolgan jumla yoʻq, chizilgan, oʻchirilgan, yana sahifaning yonidan ham, boshidan ham, har yoʻgidan bedana tuzoqqa tushirib kiritilgan gij-bij soʻzlar. Qoʻgʻoz qora qoniga boʻlmasa-da, koʻk siyohiga boʻyaladi. «Boʻldi- qildi»ni, ya'ni «boʻlmoq», «qilmoq» fe'llarini shunaqa koʻp urchitishimni oʻzim mutlaqo bilmagan ekanman.

Mahmud aka bir sahifani koʻrgandan keyin: «Ma-e, savodsiz ekansan-ku», deb qaytarib bersa kerak degan edim, yoʻq, «Mana, qara-da, men oʻzimdan bir fikr ham qoʻshmayapman, senikini tozalab, ochyapman. Yaxshi yozgansan, lekin chiqit, parazit soʻzlar kop. «Boʻldi-qildi»ni muncha yaxshi koʻrmasang», deb taqrizimni oxirgi jumlasigacha bitta ham qoldirmay boʻyab chiqdi; bironta soʻz e'tibordan chetda qolmadi. «Qora qoni»ga belangan «asar»imga qarab, bu tuzoqlar, sirtmoqlar, kiritmalar, ustidan ham, ostidan ham qilingan chumoliyoʻl tuzatishlardan birov bir narsani tushunarmikan desam, mashinkachi qizlar Mahmud akaning «rebus»larini juda oson echar ekan, bosilganini oqib koʻrsam, men yozgan

narsa, xuddi o'zgarmagandek, lekin aytmoqchi bo'lgan gaplarim shunday jaranglab, ravshan fikr berib turibdiki, yozganimga o'zim ham ishonmayman.

Shu narsam ustida ishlayotganida Mahmud akaning zavqini korganman. Tahrir qilish zavqini. Mahmud akaning gazeta va jurnallarda ishlagan butun umrida shu zavq bor va bu zavq umuman bugungi adabiyotimizga katta ta'sir otkazgan. Hali bu gapga qaytaman.

Taqrizim «Guliston»da bosilgandan bir yil o'tib, o'zim ham Mahmud akaning yonida o'tirib boshqalarning asarlariga «rasm solish», jumla «boyash»ni o'rgana boshladim. Ya'ni shu jurnalga ishga o'tdim. Albatta, Mahmud akaning taklifi va bosh muharrir Asqad Muxtor, u kishining o'rinbosari Vahob Rozimatovga tavsiyasi bilan. Jurnalning shu kishilar rahbarlik qilgan davri adabiyotimizda alohida orin tutadi. Bugungi kunda taniqli, nomdor onlab yozuvchi va shoirlarimiz o'sha payti, ya'ni yetmishinchi yillarning ikkinchi yarmida aynan «Guliston» jurnalida tetapoya bo'lgan. Hech mubolağasi yo'q, unda to'rt qator satri bosilgan havaskor tan olingan katta shoirga aylanib, yutuğini bir hafta «yuvar» edi. O'ttiz tiyinlik jurnal shu qadar mashhur, adabiy jarayonda ayniqsa yoshlar ijodini yoritish boyicha darğaligidan qo'lda bir so'mga chiqib ketgan edi.

Jurnalni bunday martabaga kotarishning zamirida, albatta, hali aytganim, zavqli va... nihoyatda oğir mehnat yotar edi. Buni nashrlar sahifasi ustida ter to'kib yotgan zahmatkashlar juda yaxshi biladi. O'shanda kun bo'yi «Guliston» materiallaridan bosh kotarmay, kechqurun «Kok gumbaz» choyxonasida kunduzi qilgan ishining hayajonini bosa olmay, choynak-choynak choy boshatib, tomoği boğilib qolguncha bahslashgan Murod Xidir, Tohir Malik, Erkin A'zamov, Sulaymon Rahmon, Sa'dulla Ahmad, Abdulla Sher kabi hamkasblar tahrir zavqini hali-hanuz unutilmaymiz. Mahmud aka esa o'zgarmagan, on yil oldin ham, yigirma yil, o'ttiz-qirq yil oldin ham shunday edi. Hozir ham qo'liga tushgan maqolaga shunday berilib, zavq bilan bilan ishlov beradi. Bir oylab ko'ring, Mahmud aka hozir yetmishga chiqib, tahrirchilik faoliyatini, deylik, yigirma besh yoshlaridan boshlagan bo'lsa, shu davr badalida qo'lidani o'tgan asarlar necha-necha yuz jild kitob bo'ladi! Shularning hammasiga sozma-soz ko'z nurini bergan, har bitta jumlaning ustida bukchaygan. Har bir maqola yo hikoyaning ustida faqat men bilan emas, umuman qoğozini kotarib kelgan qalam ahli borki, hammamiz bilan yakkama-yakka o'tirib, birga «rasm solgan». «Torta olmagan», qaytarilgan asarlarni hech kim hisobiga etmagan. Ularning ham birontasi oqilmay, muallifiga tushuntirilmay qolmaydi Bu mehnatga kundalik bo'lgani uchun ko'nikilgan, bilmagan odamga odatiy tuyuladi. Lekin... adabiyotni shu mehnat yaratadi. Adabiyotning bugungi mavqe-darajasida Mahmud akaga o'xshagan tahrirchilarning sirdan bortib turmaydigan, kamtar-kamsuqum, lekin buyuk mehnati yotadi. Bu haqiqatan ham buyuk, yuki faqat chidaganga chiqargan oğir, odamning butun

umrini oladigan, ba'zan hammasini boshqalarga berib, o'ziga minnatdorlikdan boshqa narsa qoldirmaydigan nihoyatda g'lati mehnat. Odam qo'liga tushgan narsalarga talab bilan yondashadi, birovniki bo'lgani uchun talabning og'irligi avvallo o'zining zimmasiga tushadi, kun-kundan oshgan talab bir kun kelib «fetish» - «ma'bud»ga aylanadi, onlab odamlarning yuzlab asarlarini tahrir qilib organgan odamning o'zi yozishiga... xullas, mas'uliyati imkoniyatidan ham kattarib ketadi. Keyin, yillab boshqalarning har xil mavzu, har xil janrda, fikr uslubi, ifoda usullari yozish turlicha asarlarini yillab tahrir qilish, adbatta, nihoyatda kerak, xayrli, sharafli ish, ammo muharrirning ijodiy quvvatini sorib, o'zi yozishini hech narsa qoldirmaydigan surunkali, nihoyasi yoq bir zahmat ham. Butun umrini shu tarzda soz san'atiga fido qilib, o'z ijodlari orzularidagina mavjud hamkasblarimizning qolayotgan hamkasblarimizning shovqinsiz, korinmaydigan ter tokishlari bilan matbuotimiz matbuot, adabiyotimiz shu darajada. Bizda tahrir mehnatiga alohida haq to'lanmaydi, muharrir lavozimi uchun maosh oladi, lekin uning boshqa mualliflar asariga ishlov berishi o'zinikini yozishidan ustun turadi va uni maosh bilangina baholab bo'lmaydi.

Yana bir tomoni ham borki, hammani tuzatib, tahrir qiladigan odam o'zidan hammadan baland yozishni kutadi va juda kam yozadi yoki boshqalarning ustidan ishlab, chiqarib bergan asarlarini o'ziniki qabul qilib ham ishlayveradi. Bu ma'noda Mahmud aka dunyoga keltirgan asarlarning sano'gi yoq. To'g'ri ma'noda ham shunday. Mahmud aka qo'lidan yetaklab, yelkasidan itarib, yurmaganlarini sudrab ham adabiyotga olib kirgan ijodkorlar juda ko'p. Shularning qariyb hammasi u bilan bir umr hamkorlikda, doim u kishidan aniq fikr kutadi, u kishi ham qalamini qayrab, hamisha tayyor...

Gapni o'zimdan boshladim – Mahmud aka birinchi maqolamni chop etib, adabiy jarayonga qo'limdan etaklab olib kirgan, shu jarayonda suzishni orgatgan. Yana o'zimga kelsam, hozir ham u kishiga talpinaman, fikrini eshitgim keladi. Chunki ayamay gapiradi. Ko'p yillar yozmay yurib, bultur «Hali hayot bor» degan bir qissa yozdim. O'qishga birinchilardan bo'lib Mahmud akaga bergan edim, u kishi o'qib, shuning nomiga ham: «Anavi ayol qahramonning gapidan olingan ekan, qoshtirnoqni yopishdan oldin uch nuqta qo'yish kerak», deb tuzatish kiritdi. O'sha Mahmud aka-da.

O'sha-o'sha, juda ko'p ijodkorlarga akalik qilgan, adabiyotda ukalari juda ko'p, hali ham ko'zoynagini burnining ustiga qondirib, «o'zimizning Janqovullar tumtumaklari» ustidan erinmay boyab, yana orada chayonqalampirday achchiq istehzo qilib otiradigan Mahmud akamiz - hammaning birdek hurmatini qozongan xizmat ko'rsatgan muharrir.

Ahmad A'zam